



We will be conducting system maintenance from 21 Feb, 10pm to 22 Feb, 9am. Patrons will not be able to use NLB's digital services during this period.

6 emas sasaran Persisi

Berita Harian, 30 November 1998, Page 13

Article also available on Microfilm Reel NL21547

Printer-Friendly Page

6 emas sasaran Persisi

SILAT Oleh | MOHD SANI ALI

ENAM pingat emas menjadi sasaran Persekutuan Silat Singapura (Persisi) di Sukan SEA Brunei, yang dijadual berlangsung dari 7 hingga 15 Ogos tahun depan.

Setiausaha Persisi, Aeji Karmak, mendedahkan hasrat itu ketika merasmikan Format Latihan Baru Skwad Silat Nasional di Auditorium Persatuan Rakyat semalam.

Keyakinan itu berdasarkan peraturan baru Pesekutuan Silat Antarabangsa (Pesisilat) dalam kejohanan bermula dari Sukan SEA.

"Ini bererti, semua negara berdiri di garisan mula yang sama. Tiada pasukan yang memiliki sebarang kelebihan berbanding dengan masa-masa lalu," katanya lagi.

"Kami yakin, matlamat ini berupaya kami capai. Namun, kami perlu mempersiapkan diri dengan lebih terperinci untuk memikul cabaran di Brunei nanti."

Persisi meletakkan matlamat dua pingat emas dari jurus wajib — silat seni — dan empat pingat emas acara 'tanding', yang dahulunya dikenali sebagai silat olahraga.

Sebagai langkah permulaan, Persisi telah mengundang

130 hingga 150 pesilat menyertai ujian kecergasan yang bermula di pekarangan Persatuan Rakyat semalam.

Ujian itu dikendalikan bersama oleh jurulatih nasional, Sheik Aaluddin Yacoob dan Jasni Salam.

Mereka menerima perantukan secara rasmi di upacara itu yang turut disaksikan oleh Setiausaha Parlimen Kanan (Penerangan dan Kesenian), Encik Yatiman Yusof, selaku penasihat Persisi.

Format latihan baru itu bertujuan meningkatkan tahap ketahanan pesilat sebelum turun ke gelanggang.


Menurut Aeji, tempoh tu-

juh bulan sebelum Sukan SEA itu adalah singkat kerana pesilat yang ingin mewakili negara ke sukan dua tahun sekali itu perlu meningkatkan persiapan masing-masing.

Selain Sukan SEA, pesilat negara juga berpeluang memikul cabaran di Kejohanan Silat Dunia di Jakarta dalam Disember dan Kejohanan Nusantara di Pulau Pinang dalam Mei akan datang.

Kejohanan Nusahtara melibatkan silat kesenian.

Format latihan baru itu dimulakan dengan pesilat menjalani latihan intensif dua minggu bermula malam ini di Persatuan Rakyat.



BERMULA SECARA RASMI: Ini bukan latihan kempen 'hidup Sihai', tetapi adalah permulaan Format Latihan Baru bagi Skwad Silat Nasional yang dikendalikan oleh jurulatih nasional, Sheik Alaudin Yacob (kanan sekali) dan Jasni Salam, di pekarangan Persatuan Rakyat pagi semalam. — Gambar oleh MOHD SANI ALI

Gambar oleh MOHD SANI ALI